

Visoka škola eMPIRICA objavila konkurs za upis nove generacije studenata informatičkih usmjerenja

Šta studirati- informatički stručnjaci dominantno deficitarni na tržištima rada

Najviše su traženi certificirani IT profesionalci i IT konsultanti

Visoka škola računarstva i poslovnih komunikacija eMPIRICA u Brčko distriktu BiH objavila je Konkurs za upis studenata u I godinu studija u akademskoj 2013./2014. godini, za svoja dva studijska programa informatičkih usmjerenja (www.empirica.ba).

Zašto odabrati jedan od ovih jedinstvenih studijskih programa koji se izvode na Visokoj školi eMPIRICA?

Na evidenciji biroa za zapošljavanje TK ne nalazi se niti jedan inženjer informatike

Prema službenim podacima prikupljenim u zavodima za zapošljavanje u Bosni i Hercegovini, koje je analizirala i predočila agencija Anadoluja, najmanje traženi, a ujedno i najbrojniji visokoobrazovani kadrovi na biroima, su diplomirani ekonomisti, pravnici, te profesori razredne nastave. Zanimanja koja su najviše tražena, ali ih je najmanje, su ljekari specijalisti, mašinski inženjeri i inženjeri elektrotehnike (informatičkih i drugih usmjerenja). Prema podacima iz decembra mjeseca 2012. godine, na birou za zapošljavanje Tuzlanskog kantona nalazi se oko 900 diplomiranih ekonomista različitih profila dok trenutno ovaj fakultet pohađa još nekoliko stotina studenata. Slično je i sa diplo-

miranim pravnicima kojih također na birou ima na stotine. I jedni i drugi godinama bezuspješno pokušavaju doći do zaposlenja u struci. Nastavnog kadra u Tuzlanskom kantonu ima dovoljno za narednih deset godina i skoro da ne postoji potreba za novim. Zanimljivo da se na evidenciji biroa ne nalazi niti jedan inženjer informatike, deficitarna su također i druga zanimanja tehničkog smjera. Tuzlanski kanton trenutno nema kapacitete da zaposli sve kadrove koji su suficitarni poput: ekonomista, pravnika, defektologa, nastavnika i dr. Za područje Brčko distrikta slični podaci nisu objavljeni, ali je za očekivati da se radi o sličnim statistikama.

Samo u Njemačkoj je u ovom trenutku otvoreno gotovo 43.000 konkursa za radna mjesta IT profesionalaca

Prema podacima BITKOM-a (njemačko udruženje za informacijske tehnologije, telekomunikacije i nove medije) samo u Njemačkoj je u ovom trenutku otvoreno gotovo 43.000 konkursa za radna mjesta IT profesionalaca, a broj zaposlenih u IT sektoru raste dvocifrenim stopama već nekoliko godina za redom, te je zbog toga po uzoru na američku zelenu kartu uveden institut „Plave

EU karte“ koja se po ubrzanom proceduri izdaje visokoobrazovanim ljudima iz drugih zemalja. Najviše se traže certificirani IT profesionalci i to ponajviše iz područja programiranja/softverskog razvoja, ali i IT konsultanti, stručnjaci za podršku prodaji IT rješenja, sistemski i mrežni administratori, projektni menadžeri i stručnjaci za sigurnost računarskih sistema.

Ovo su samo neki od razloga da se budući studenti ozbiljno zainteresiraju za studij na jednom od inovativnih studijskih programa u oblasti informatike koji se izvode na Visokoj školi eMPIRICA: Poslovna informatika i Inženjerska informatika.

Poslovna informatika

Studijski program Poslovna informatika na Visokoj školi eMPIRICA je jedini studij poslovne informatike u BiH koji studentima nudi dvojnu diplomu po završetku studija - diplomu licencirane visokoškolske institucije iz BiH (Visoka škola eMPIRICA) i diplomu akreditirane visokoškolske institucije iz EU (*Ljubljana School of Business*), a prema odobrenju Slovenačke agencije za osiguranje kvaliteta u visokom obrazovanju - NAKVIS (www.nakvis.si).

Inženjerska informatika

Studijski program Inženjerske informatike na Visokoj školi eMPIRICA je jedini inženjerski informatički studij u BiH koji studentima omogućava da u okviru studija, kroz odabrana četiri predmeta, pohađaju program Cisco akademije mrežnih tehnologija, i to besplatno. Nastava na navedenim predmetima se odvija prema međunarodnom programu Cisco akademije mrežnih tehnologija, korištenjem jedinstvenih obrazovnih resursa i originalne Cisco mrežne opreme. Stoga Visoka škola eMPIRICA poziva sve zainteresovane buduće studente da donesu ispravnu odluku koja će odrediti njihovu profesionalnu i finansijsku budućnost, odabirući studij koji nudi savremena znanja i upotrebljive vještine u oblasti koja je dominantno deficitarna na tržištu rada u svijetu i kod nas.

Donesite ispravnu odluku koja će odrediti vašu profesionalnu i finansijsku budućnost.

